

Herrn Pastor siene Kauh

Düt ule Volksleid mag wol bie hundert-un-fuffzig Johre ult wesen un hat sik in düsse lange Tied ganz dulle bekannt emaket, dor Nord-Dütschland hen. Intwischen gift et bannig veele Strophen – ober sesshundert möget et wol wesen – un dorummen werd mal düsse un mal jenne esungen. Hier nü en poor davon. Nah jede Strophe word esungen:

Sing man tau, sing man tau, von Herrn Pastor sien' Kauh, jau, jau.
Sing man tau, sing man tau, von Herrn Pastor sien' Kauh!

1. Kennt ji al dat niee Leid, niee Leid, niee Leid,
wat dat ganze Dorp al weit, von Herrn Pastor sien' Kauh?
2. Ostern was se dick un drall, dick un drall, dick un drall,
Pingsten lag se dot in'n Stall, uns' Herrn Pastor sien' Kauh!
3. As se was in Deile 'snetten, Deile 'snetten, Deile 'snetten,
hat dat ganze Dorp wat 'kreegen, von Herrn Pastor sien' Kauh!
4. Jochen Stief was ganz malad', ganz malad', ganz malad',
kreeg en Pott voll Mulsalat, von Herrn Pastor sien' Kauh!
5. Un de Küster Dünnelang, Dünnelang, Dünnelang,
kreeg den Swanz as Klockenstrang, von Herrn Pastor sien' Kauh!
6. Un de lange Englisch-Miss, Englisch-Miss, Englisch-Miss,
kreeg en nieet Tähnggebiss, von Herrn Pastor sien' Kauh!
7. Un de fiene Dorpkapell', Dorpkapell', Dorpkapell',
kreeg en nieet Trummelfell, von Herrn Pastor sien' Kauh!
8. Un uns' niee Füerwehr, Füerwehr, Füerwehr,
kreeg en Pott voll Wagensmeer, von Herrn Pastor sien' Kauh!
9. Krischan was de Galle recht, Galle recht, Galle recht,
Bittern smeckt davon nich slecht, von Herrn Pastor sien' Kauh!
10. Un de grute Smedgesell', Smedgesell', Smedgesell',
kreeg en nieet Schörtenfell, von Herrn Pastor sien' Kauh!
11. Fru Pastor öhr' Muschikatt', Muschikatt', Muschikatt',
härr' wol verteihn Dag' noch wat, von Herrn Pastor sien' Kauh!
12. Doch dat Leid is man erst half, man erst half, man erst half,
denn in'n Stalle steiht en Kalf, von Herrn Pastors sien' Kauh!

13. Un de Hoffhund Dobermann, Dobermann, Dobermann,
makt sick an de Knochen ran, von Herrn Pastor sien' Kauh!
14. Un de Maler Snoppentost, Snoppentost, Snoppentost,
kreeg ne niee Wittschebost, von Herrn Pastor sien' Kauh!
15. Un de klauke Kräugersmann, Kräugersmann, Kräugersmann,
schreef glieks an sien Wirtshus dran:
„Tau Herrn Pastor sien' Kauh“
16. Trina pett mit öhren Hacken, öhren Hacken, öhren Hacken,
in'n gruten Dunnerplacken, von Herrn Pastor sien' Kauh!
17. Un de fliedig Neihkatrin, Neihkatrin, Neihkatrin,
kreeg den Kopp as Neihmaschin', von Herrn Pastor sien' Kauh!
18. Bandworm hat in'n Liew' eseten, Liew' eseten, Liew' eseten,
krallt de Snieder sick taun meten, von Herrn Pastor sien' Kauh!
19. Un de Kanter, gornich übel, gornich übel, gornich übel,
kreeg en nieen Tabaksbüdel, von Herrn Pastor sien' Kauh!
20. Un de dicke Landschandarm, Landschandarm, Landschandarm,
kreeg en vullen Hinderdarm, von Herrn Pastor sien' Kauh!
21. Un de Deinsten Emma Krück, Emma Krück, Emma Krück,
kreeg de Mul- un Klauensük', von Herrn Pastor sien' Kauh!
22. Nahbers Kind keek ober'n Tun, ober'n Tun, ober'n Tun,
härr' in't Mul en Rest Kaldunen, von Herrn Pastor sien' Kauh!
23. Un de ule Fru Pastor, Fru Pastor, Fru Pastor,
kreeg en nieen Pompadur, von Herrn Pastor sien' Kauh!
24. Nu taulest dat allerbest', allerbest', allerbest',
de Kauh, de is'n Ossen 'west – un nich Pastors sien' Kauh!

Sing man tau, sing man tau, von Herrn Pastor sien' Kauh, jau, jau.
Sing man tau, sing man tau, von Herrn Pastor sien' Kauh!

(Anmerkungen: „e“ ist unbetont; Textfassung in ostfälischem Plattdeutsch)

Peter Voß, den olen Knast, olen Knast, olen Knast,
packen se in't Bedd' den Quast von Herrn Pastor sin Kauh.

17. De Schoster keem un nahm de Huut, hool de Huut, hool de Huut,
mak' sick da niee Stebels ut, von Herrn Pastor sien Kauh!

19. Sleswig-Holstein, meerumslungen, meerumslungen, meerumslungen,
handelt nu mit Ossentungen, von Herrn Pastor sien Kauh!

20. De Mekelborger lei't nich slapen, lei't nich slapen, lei't nich slapen,
se sett den Kopp int Lanneswappen, von Herrn Pastor sien Kauh!
Un den Verstand mit'n Bregen, mit'n Bregen, in'n Bregen,
kreeg en splienig' Minsch tä freten, von Herrn Pastor sin Kauh.

Den Kneiper was de Galle recht, Galle recht, Galle recht,
de Bittern smeck' davon nich slecht von Herrn Pastor sin Kauh.

De Schulte fritt an'n allermeersten, allermeersten, allermeersten,
sien Buk, de wull em grode beersten, von Herrn Pastor sin Kauh.

För den armen Dodengräwer, Doudengräwer, Doudengräwer,
bleef rein nix to groben ober von Herrn Pastor sin Kauh.

De Seel' de steig den Hewen tau, Hewen tau, Hewen tau,
denn't was ja ne Pastorenkauh, uns Herrn Pastor sin Kauh.

8. De Pastor woll tau Kerken gahn, Kerken gahn, Kerken gahn,
Da da isch hei in en Dreck geflahn, von Herrn Pastor sin Kauh.

11. In dei Slacht von Waterloo, Waterloo, Waterloo,
Fing Blücher sick en groten Floh, von Herrn Pastor sin Kauh.

12. In dei Slacht von Austerlitz, Austerlitz, Austerlitz,
Hat's gedunnert un geblitzt, von Herrn Pastor sin Kauh.

13. De Seel de steig den Hewen tou, Hewen tou, Hewen tou,
Denn 't wör jo ne Pastoren tou, von Herrn Pastor sin Kauh.

14. Optiker Hans Henning Ploog, Henning Ploog, Henning Ploog,
kreeg för sien Brilln en Lins von't Og', von Herrn Pastor sien Kauh!

15. Dat rechte Og', ik häbb't vergetten, häbb't vergetten, häbb't vergetten,
dat hat, ik gleuw, en Swien opfreten, von Herrn Pastor sien Kauh!

De olden Kieler, ok nich fuul, ok nich fuul, ok nich fuul,
schlään sick mit de Därms opt Muul, von Herrn Pastor sien Kauh.

Un us ole Opa-pa, Opa-pa, Opa-pa
stoppt sien Piep mit Kauh-AA, von Herrn Pastor sien Kauh

De hinkend' Snieder mit de Krück, mit de Krück, mit de Krück,
kreech 'n dröögert Achterstück, van Herrn Pastor sien Kauh.

De Bregen, wo de Verstand inseeten, -stand inseeten, -stand inseeten,
kreech 'n dummen Kerl tau freeten, van Herrn Pastor sien Kauh.

Dat rechte Oog, ick heff 't vergeeten, heff 't vergeeten, heff 't vergeeten,
ick glöow, dat heff dat Schwien upfreeten, van Herrn Pastor sien Kauh.

Bi de Schlacht von Austerlitz, Austerlitz, Austerlitz,
köömp Napoleon aneflitzt, up Herrn Pastor sien Kauh.

Unser Schornsteinfeger swaard, -feger swaard, -feger swaard
bekam de Lunge und det Haart, von Herrn Pastor sien Kauh.

De Bürgermeister dick un eitel, dick un eitel, dick un eitel
kriegt en niejen Tobaksbeutel, von Herrn Pastor sien Kauh.

Wenn Kinner dör de Wisken laupet, Wisken laupet, Wisken laupet,
trään se in de grooten Haupen, van Herrn Pastor sien Kauh.

De Seel de steigt denach 'n n Himmel tau,
Dat wör ja ne Pastoren-Kauh, uns Herrn Pastor sien Kauh.